

**SAMOA**

Faatulagaina o Aiaiga

1. Igoa puupuu ma le amataga
2. Totogifuapauina

---

**2001, Nu. 12****O SE TULAFONO e teuteu ai nisi o aiaiga o le Tulafono o  
Faaputugatupe Tumaoti a Kamupani Faava-o-Malo  
2000. *[6 Setema 2001]***

**UA FAIA** e le Fono Aoao Faitulafono o Samoa i totonu o le Palemene ua potopoto e faapea:-

**1. Igoa puupuu ma le amataga-(1)** E mafai ona taua lenei Tulafono o le Tulafono o Teuteuga o le Tulafono o Faaputugatupe Tumaoti a Kamupani Faava-o-Malo 2001 ma e tatau ona faitauina faatasi ma avea ai o se vaega o le Tulafono o Faaputugatupe Tumaoti a Kamupani Faava-o-Malo 2000 (“o le Tulafono autu”).

(2) O lenei Tulafono e tatau ona amata faamamaluina i le aso o le a tuuina i ai le maliega a le Ao o le Malo.

**2. Totogifuapauina** - Faaopoopo le fuaiupu o lo o mulimuli ane pe a tuanai le fuaiupu 33:

**“34. Totogifuapauina-(1)** E faaopoopo atu i so o se isi totogifuapauina o aiaia i lalo o lenei Tulafono e mafai ona aiaia e tulafono faatonutonu se totogifuapauina po o se tupe totogi po o se faasalaga e faatulagaina mo talosaga, faamaoniga o le taulimaina, faaiuga, maliega, ioega, faasee ese, ata, faamauina, teuina, suitulaga, faasalaga po o mo so o se isi gaoioiga po o galuega na faatino e le Minisita po o le Resitara, i lalo o aiaiga o le Tulafono.

(2) O totogifuapauina, tupe totogi ma faasalaga uma o lo o faatulagaina i lalo o le Tulafono, e mafai ona totogiina i tupe Samoa (ST\$) po o i tupe a so o se isi lava atunuu.”

---